

## 17.25 CUNTRASTS SIN SRF 1

---

### In di da nar – 24 uras al Vereina

Il 19 da favrer 2022 ha la Viafier retica transportà 4'225 vehichels tras il tunnel dal Vereina – in di da record. Per che tut funcziunia, han procurà quel di il schef dal transport d'autos al Vereina, Simon Rohner, cun 9 chargiaders da tren, 6 cassieras, 6 persunas da la Securitas e 7 cadettas e cadets da traffic, e quai als dus portals a Selfranga sper Claustra ed a Sagliains sper Lavin en l'Engiadina Bassa.



E cunquai che tut è collià in cun l'auter, èn er anc ina dunsaina da maschinists e la centrala da gestiun a Landquart da la partida. Da l'emprim tren d'autos a las 05:05 fin a l'ultim la notg a las 00:40 han ils «Cuntrasts» documentà quest di da nar – tranter frains a maun stinads, management da colonnas, da quels cun e senza pazienza ed ina squadra ch'è campiunessa da «far il tischlen» -- «far il tischlen»? Guardai ils «Cuntrasts», «come on, come on!».